

## Lekkaleb mbootaay yi



Association pour la Promotion  
de la Langue Wolof en  
République Islamique de  
Mauritanie (APROLAWORIM)  
tel : 22 46 29 72



Association pour la  
Renaissance du Pulaar en  
République Islamique de  
Mauritanie (ARPRIM)  
tel : 46 96 19 58



Association Mauritanienne  
pour la Promotion de la  
Langue et de la Culture  
Sooninké (AMPLCS)  
tel : 46 40 03 69

---

## 21 Feeviriye bës bi ñu jàgleel ci adina bi, làkk wi nga nàmp.

*« Njàng ci làkk yu wuute, lu war la ngir soppo njàng mi »*

21 Feeviriye mooy bës bi (unesco) jàgleel ci adina bi, làkk wi nga nàmp. Ni ñu kay amale ci adina bi, mbootaayi mboor yi ci réew mi, (ARPRIM, AMPLCS, ak APROLAWO) dañu kay màggal at mu ne, ngir leral gëdd njàng ci làkk wi nga nàmp ci daara yi, ñaax wuuteb làkk ak mboor te gëna degaral bennoo askan wi.

Li ñuy waxtaane at mii ci 21 Feeviriye mooy (njàng ci làkk yu wuute, lu war la, ngir soppo njàng mi) njàng moo xam ni, ci gis-gisu unesco, day tàmbali ci làkk wi kee jàng gëna xam, ganaaw gi ñu duggal yenneen làkk ndànk-ndànk. Gis-gis wii, sukkàndiku ci adina bi, ci njàng ci làkk wi nga nàmp, te bokk ci li tax askàn wi gëna ubbeeku, di boole te di baale, day yombal ay caada ak gis-gis yu wuute mën ànd.

Tay la mbootaayi caada yi gëna gëm, te gëna sawar, ndax njureefi gëstu yi, ci wàllu njàng, ak xalaati njàngin. Gestu bi, ak jëmmal, wone nañu, ci lu leer ni, jëfandikoo làkk wi nga nàmp lu mënul nàkk la, ci njàng mu baax, ni ko yii wonee :

- Jëmmal ak jëmant yi am ci adina bi, jëm ci njàng ci làkk wi nga nàmp wone nañu ni, xale yi ñungee gëna man jàng ci làkk yi ñu nàmp.
- Jëmant wi am ndam, ci njàng ci làkk yi ñu nàmp, pulaar, soonike wolof, ni ko xayma yi joge bitim réew wonee, (breda-unesco) ak yi joge ci biir réew mi (MEN), te daaray làkki réew mi ñu ray defoon ko. Ñaari xayma yooyu yepp denkaane wone nañu yaatal njàng moomu ci daara yepp.

Ci sunu réew, 21 feviriyee mungi nów ganaaw bi ñu amalee daara ngir yokkute ak njàng ci làkki réew mi (IPELAN) muy jeego bu am solo, ngir jeggi jafe-jafe wi jëkk, wi sunu njàng ci réew mi jànkoondeel.

Mbootaayi caada yi ci réew mi, yeewu ci wareefi amal njàng ci làkk yu wuute, ndax adina bi nekk benn, ak mbaaxu demakaraasi, dañuy xelal ni, ndongo yi war nañu xàm bu baax, ganaaw seen làkk wi ñu nàmp, yenneeni làkki adina bi aki làkki diwaan bi, ngir mën bokk ci askan wu gëna yaatu, te def seeni loxo ni mu ware ci adina bi ñu nekk. Mbootaay yi ñungee denk nguuru Muritani :

- Jëmmal ci ni mu gëna gaaw, ak ci anam yu gëna wóor, njang ci làkk yi ñu nàmp ci banqass yepp, ci gis-gisu njàng mu baax te yemale ñepp.
- Jox (IPELAN) nit yu fay toog, sukkandiku ci man-man, gëm-gëm ak yelloo.
- Yoonal làkki réew mi, pular, sooninke, wolof, nuy lu war ngir am ndam ci njàng ci làkki réew mi.

NKTT 21 Feewiriyee 2023  
Lekkaleb mbootaay yi